

四庫全書

史部

欽定四庫全書

史部

殊批諭旨卷三十一至四十

臣永瑤恭校

編修臣裴謙覆勘

總校官中書臣朱鈐

校對官中書臣蔣寬

謄錄監生臣萬朝宗

欽定四庫全書

硃批諭旨卷三十六

硃批謝賜履奏摺

雍正元年三月二十六日巡視兩淮鹽課都察院

右僉都御史

臣謝賜履謹

奏為奏明事竊

臣

一介寒微至愚極陋荷蒙

皇上命

臣

巡視兩淮鹽課兩淮重地課額繁多

臣

之庸

鄙曷克當茲感激

洪恩末由報稱惟有凜遵

成憲杜絕陋規恤商裕課勉竭駑駘以上報

皇恩於萬一也

臣

新經到任視事除祛弊緝私之外惟

銷引疏綱為急務查前任鹽

臣

魏廷珍任內有帶

銷丁酉戊戌己亥庚子四綱未銷殘鹽共八萬四

千九百二十引再辛丑綱魏廷珍本任內未銷鹽

十三萬九千六百零五引

臣

現在勸諭各商上緊

帶銷以便督運壬寅綱新鹽銷售各商皆感戴

聖恩莫不踴躍報效現今竭力裝運臣星速督銷以期
課餉充足再照兩淮鹽政頭緒紛繁遇有應請

聖訓事宜伏望

皇上洪慈容臣具摺上請一切皆蒙

睿示則臣愚得免覆餗矣伏候

聖裁批示謹

奏

應請旨者具摺奏來但若一切必候朕批示而後施行

則不可爾任內之事朕何能周知詳細一一皆為訓示
耶如此恐反致貽悞凡事須將爾之主見明晰陳奏或
有疑惑處亦必將爾之意向聲明朕以便酌量準定也
雍正元年四月十六日巡視兩淮鹽課都察院右

僉都御史

臣

謝賜履謹

奏為恭請

聖安事欽惟

皇上躬送

聖祖仁皇帝梓宮到陵

孝思純篤超越前古微臣奉差外省聞

聖主勤勞下情繫戀為此繕摺恭請

聖安謹

奏

朕躬頗安

皇考梓宮大事幸蒙

上蒼默佑百凡合儀得少伸子臣之心仰觀俯察

天時人事俱皆和順都中內外平靜爾不必為朕過慮特諭

雍正元年四月二十一日巡視兩淮鹽課都察院

右僉都御史

臣謝賜履謹

奏為欽奉

上諭事雍正元年三月二十七日准戶部咨開該本部等衙門會覆工部尚書李先復等奏前事於正月二十六日具

題奉

旨依議嗣後如督撫與巡鹽御史各有臆見著將情由
達部聽候定奪欽此遵奉在案茲准湖廣督臣楊宗
仁咨開本部院衙門每年鹽規四萬兩今出示首
先革除嗣後總照三十年前例每包貴賤以一錢
為准等因咨行到臣今據各商呈稱鹽觔買自場
竈天時水旱不同產鹽亦多寡不一而鹽價因之
從無一定且三十年前尚無織造河工銅觔等項

捐解近年增添至數十萬兩若照三十年前時價
實屬虧本等情臣即將楚省陋規核算總計十五
萬餘兩按數減價每包照時價減去六釐即合十
五萬餘兩之數商本無虧民食亦裕等因咨行湖
廣督臣去後今督臣仍照前定鹽價咨覆前來復
據各商稟稱現運到楚鹽包出示後已被小販乘
賤買去囤積今商等又趕運不及勢必因民間缺
鹽食淡以致地方多事則商等罪不容逭哀求告

退呼籲盈廷臣思現在到楚之鹽既被小販買去
國貯後運之鹽又不能一時即到不特居民有食
淡之虞而諸商解體則新舊

國課何從辦集勢不得不具摺奏

聞伏祈

皇上亟賜

乾斷或仍照各省鹽法規例照依時價銷售或即照湖
廣督臣所定之價每包量增一二分庶可無悞趲

運而亦不致病民於

國課民生均有裨益矣為此繕摺具

奏伏候

皇上批示遵行謹

奏

所奏是今已有旨諭部令爾會同楊宗仁確議具奏矣
雍正元年六月二十日巡視兩淮鹽課都察院右

僉都御史臣謝賜履謹

奏為恭繳

硃批奏摺事

臣接奉

諭旨凡有硃批奏摺俱於齋摺時呈繳欽此臣遵將為
奏明帶銷各年殘鹽數目一件為恭請

聖安事一件共二摺俱奉有

硃批理合遵

旨恭繳為此具摺謹

奏

知道了汝所奏為減定鹽價之事一摺留覽俟汝等題本到來再定但汝二人不應如此各執已見也朕今姑暫從汝議

雍正元年七月初三日巡視兩淮鹽課都察院右

僉都御史

臣

謝賜履謹

奏為泣陳愚悃恭請節哀以慰下情事雍正元年七月初一日准督臣查弼納移送本年六月二十五日恭接

皇太后遺誥一道膳黃到臣跪接之下驚愕哀號撫膺搶
地竊思

聖祖仁皇帝賓天之後

皇上孝思純篤哀毀過情減膳悲憂遠送

陵寢天下臣民莫不繫戀今又值

仁壽皇太后升遐

皇上大孝性成超越千古

聖懷悲切自逾尋常臣奉差淮甸不獲親叩

梓宮恭請

聖安然沐

恩深重戀

主情殷伏望

皇上少節哀思保護

聖躬上以答

宗廟

社稷之靈下以慰中外臣民之望為此具摺恭慰

聖懷下情曷勝孺慕謹

奏

知道了朕猶可勉強支持不必為朕過慮

雍正元年十二月初一日巡視兩淮鹽課都察院

右僉都御史臣謝賜履謹

奏為奏明解過織造銀兩事竊照兩淮應解織造銀兩歷年遵奉已久茲於雍正元年三月十六日奉戶部咨行將江蘇織造銀兩停其支給兩淮應解

銀兩彙行解部臣隨查前任鹽臣魏廷珍於康熙六十一年內未奉部文停止之先兩次解過蘇州織造銀五萬兩咨明戶部部議以朦混支給行令江寧巡撫於違例支給之御史名下追賠等因竊思織造關乎

上供稍或遲延即干嚴譴若部內先有停止之文運司必不肯起解鹽臣又豈敢轉解再本年六月內奉有停止江寧織造之文查前鹽臣魏廷珍經解過

江寧織造銀四萬兩臣任內亦於未經奉文停止

之先節次解過江寧織造銀四萬五千一百二十

兩亦將情由咨明部議行令臣向江寧織造催還

臣節次咨催差催杳無一字回覆竊思停止之文

若經知會江寧織造即不應混催混收既收之後

竟不回覆則錢糧從何著落臣請將解過蘇州織

造銀兩在於審理李煦虧空案內併追將解過江

寧織造銀兩行令曹頻解還戶部伏乞

聖恩俞允庶將來錢糧不敢混收急公者得免貽累矣

謹

奏

照爾所請諭部矣聞何順人甚明白辦事好操守平常
且瞻徇情面汝當勸戒之即將朕旨諭伊知道

雍正二年正月十七日巡視兩淮鹽課都察院右

僉都御史

臣謝賜履謹

奏為恭謝

天恩事竊

臣

齎摺人回蒙

皇上賜

臣

御書福字榮幸非常謹望

闕叩頭祇領訖摺內奉有

硃批

臣

遵即勸戒運司何順據何順跪奏奴才自幼庸

愚初任外官兩淮錢糧重地惟恐不能勝任有負

皇恩今特蒙

聖諭教奴才成人令鹽

臣

謝賜履勸戒奴才跪聽之下

不勝惶恐

天恩高厚不但奴才感激無地即奴才之祖父亦感戴
於九泉嗣後惟有謹遵

聖訓益加勉勵以圖報效於萬一等語所有遵
旨勸戒情由合併回

奏謹

奏

何順若能改過自新則已倘仍怙終不悛爾當密奏以

聞母被伊累及於汝也

雍正二年閏四月初四日巡視兩淮鹽課都察院

右僉都御史

臣謝賜履謹

奏為備陳淮商困苦情形仰祈

睿鑒事竊惟兩淮鹽課甲於天下正課之外雜項亦繁
淮商積困已早在

聖明洞鑒中矣查兩淮鹽觔大半銷於江西湖廣二省
長江挽運原屬艱險夏季南風不能前進故每年

有預備鹽數十萬引候南風發時銷售去年因湖
廣總督楊宗仁核減鹽價地棍希圖囤積貴賣一
時強買至五十餘萬引因盡被囤賣以致預備鹽
勛缺少按引計算每引少賣銀一兩即少賣銀五
十餘萬兩商本有限豈能虧折如許迨

欽差核定鹽價後微臣恐誤鹽課多方勸諭各商感戴
皇上洪恩齊心竭蹶趕運以圖報效然商力已竭目下
皆無本營運癸卯綱尚不能開徵通商環庭籲懇

代

題請借運司庫銀濟運分作十年按年加息扣還臣

未奉

聖訓且鹽臣每年更換無徵收之責何敢冒昧具題但
兩淮課餉關係匪輕數月以來運司何順懇詳懇
稟通商江楚吉等哀籲不已臣身肩重任勢難膜
視除督令上緊開徵運銷外合將商困情形據實
奏

聞伏乞

睿鑒謹

奏

題請借帑濟運之說斷乎不可日前俱已經過確然無益之舉也且爾乃一清白人何故作此拖累身家遺患後人之事耶現今楚省百姓甚苦食淡爾與楊宗仁不思悉心竭力籌畫萬要因事不諧欲將此必不准行之事奏朕以為將來託辭地步則大負朕任用之意矣於

爾奏未到以前已諭廷臣會議令將兩淮兩浙照長蘆一例加鹽矣大約爾等所希冀者無過於此今既遂爾等之願可鼓舞商衆勉力辦運楚省鹽務第一要緊當設法籌畫為商民兩便之舉若仍然置之膜外互相推諉溺職之咎朕不為爾姑寬也

雍正二年九月十一日巡視兩浙鹽課都察院左

副都御史臣謝賜履謹

奏竊臣蒙

皇上隆恩巡視兩淮鹽課臣抵任時查前任鹽臣魏廷珍尚有未銷丁酉戊戌己亥庚子四綱殘鹽并辛丑綱未銷鹽共有二十二萬四千六百五引臣曾經

奏明帶銷在案臣任內已帶銷丁戌己庚辛五綱十九萬四千五百三十三引尚有未銷三萬七十二引至臣壬寅一綱除銷過引目外尚有未銷六萬三千四百二十六引再臣奉

旨留任管理癸卯綱除掣運過綱食鹽二十一萬七千
四百八十二引尚有未掣運綱食鹽引今臣調任
兩浙合將前項未銷鹽引一併交與新任鹽臣噶
爾泰督銷除壬寅綱督徵過課銀已經具疏

題報外所有未銷引目交與新任接銷情由理合

奏明伏乞

睿鑒謹

奏

知道了爾但料理交代清楚噶爾泰自當題奏也

同日又

奏竊臣蒙

聖恩命臣巡視兩淮鹽課夙夜兢兢管理壬寅綱一年
商人向有匿雜等費凡督撫各衙門規例以及挑
河築壩緝私火仗文武規禮過客盤費俱出其中
向係各商自收自支鹽臣原不經管前鹽臣魏廷
珍因兩淮有積年舊欠銀一百三十五萬餘兩

奏請於此內每年節省銀九萬餘兩奏解臣遵於壬寅綱在匣雜費內節省銀九萬七千餘兩奏解訖再臣衙門向有經費銀一萬零三百五十兩為修理衙署紙張等項及鹽臣日用之需臣除一年用度外尚節省銀七千兩至癸卯綱經費臣止提銀一千兩為各場水災賑救之費此外並未曾支用即生辰節禮亦一槩拒却所有節省銀七千兩現存運庫聽候撥解臣愚昧寡識惟有自矢無欺以

報

天恩謹

奏

爾之操守朕所深悉何庸爾奏陳耶

雍正三年二月二十五日巡視兩浙鹽課都察院

左副都御史臣謝賜履謹

奏竊臣猥以菲材叨荷

皇恩調任巡視兩浙鹽課抵任以來夙夜兢兢惟有仰

導

聖訓潔已奉公實心任事以圖報稱於萬一所有有餘一切恐未必然

事宜容臣細加訪察次第奏

聞外惟是兩浙地方私鹽充斥雖飭地方文武官弁嚴
加偵緝而販私之徒究未能絕因思鹽產於竈姦
徒興販往往勾連竈戶查兩浙各場舊制有聚團
煎燒之法今日久廢弛各場竈舍聚處煎燒者固
多而零星散漫者亦復不少販徒竈戶易於串售

臣今飭行分司場員將散處各竈令其移歸本處
共聚團煎編設保伍易於稽察其各竈戶內有貧
乏不能移者飭場員查明造冊容臣酌量捐給臣
現在親赴杭所嘉所西路等場踏勘相度團聚基
址指示督移俟有成局另行逐一摺

奏則販源可清而引課得以無虧矣為此繕摺具
奏伏乞

皇上睿鑒施行謹

奏

所奏甚屬可嘉惟須實力奉行耳

雍正三年八月二十八日都察院左副都御史降

一級調用仍管理兩浙鹽務

臣謝賜履謹

奏竊照兩浙地方私鹽充斥額引難銷文武各官艱

於巡緝由煎鹽場竈布置不得其宜俾姦徒易於

興販惟力行舊制聚團煎燒私販可以漸少

臣經

具摺奏

聞奉有

俞旨

臣

於二月初旬已赴杭嘉附近各場查勘相度基

址復於五月中遍歷松杭嘉紹各所查勘盡心稽

查務期得當除場竈聚處相宜者無容改移外內

有零星散處者令其團聚一處使場員易於稽查

亦有逼近私鹽要路易於私售者飭其改移善地

則竈戶難於串售

臣

酌量地宜一一親身指示竈

戶內有貧乏不能移者

臣

量加捐給俱限於秋杪

告竣至於海邊僻壤單戶偷煎者即令拆毀今據

各場具報前來

臣

又委分司再往覆查無異至寧

溫台三府道途遙遠

臣

不能親往

臣

已委該知府

查勘移聚現經遵行造冊詳報在案自此兩浙私
鹽可以漸減引課可以無虧除現在場竈數目容

臣
於

奏銷時造冊報部外所有查勘各場竈移聚告竣情

由謹繕摺具

奏伏乞

皇上睿鑒謹

奏

實屬可嘉行有成規之後惟在嚴守此法勿使移易耳

同日又

奏為奏明兩浙公費事竊照兩浙鹽政所轄溫台寧

三郡逼近海濱鹽難銷售引數無多商力單薄是

以一切雜費向不派及祇有杭嘉紹松四所每年

於每所內點甲商數人凡鹽務內一切公私之費
皆其經管內中有關工食盤費食用必不可省者
固多而不急之務亦復不少大約每年所派不下
四十餘萬兩除

題明歸庫者共二十五萬八千六百九十兩外其餘
雜費陋規勢不能盡行裁去若不斟酌量減核為
一定之規恐甲商受人需索無力阻遏因而多派
則散商資本消乏課額難完臣仰體

皇上愛民恤商徹底澄清之至意倣照兩淮雜費之例
將浮費盡行裁減以恤商裕課謹將應存各項逐一
分析另造減存冊進呈

御覽伏祈

睿鑒謹

奏

覽所奏料理處皆當但朕無暇判斷此等事也總在爾
秉公合宜為之朕之耳目自能照察

欠三日月

殊批諭旨

三

硃批諭旨卷三十六

欽定四庫全書

硃批諭旨卷三十七

硃批吳存禮奏摺

康熙六十一年十二月十八日江寧巡撫

臣吳存

禮謹

奏為欽奉

上諭事竊照康熙六十一年十二月十六日

臣

接准吏

部咨開奉

旨

先聖主一應硃批諭旨俱著敬謹收集彙繳欽此欽遵敬

惟我

皇上乘乾御宇應運當陽

統六合以敷仁謨烈仰升恒之盛

撫五辰而出治臣民覩作述之隆伏查

臣

自康熙四

十九年陞任滇撫於五十五年調任江撫所有歷

年奏摺除蒙

先聖主已經發部及未奉

硃批者不敢

進呈外今將遵奉

硃批奏摺

臣

按年順序共計四十三封恭呈

御覽此外

臣

斷不敢抄寫存留隱匿燒燬遺失自干重

罪目今江省雨水調勻人民安業米價白米每石

一兩一錢五分梭米一兩麥七錢五分豆七錢為

此繕摺奏

聞伏乞

聖鑒

臣

無任瞻仰之至謹

奏

爾向來居官聲名平常而且偏於軟懦朕初御極一切
仰體

皇考深仁厚德六十餘載之用人行政立意保全爾等中
外大臣爾諸臣亦當勉力自愛以清正率屬教養百姓
撫安疆宇庶克成全朕之孝道諸如收受節陋規侵

蝕空糧以及縱容地方豪富等弊若仍蹈前轍怙惡不
悛國法無私噬臍何及查弼納來時朕已曾詳悉面諭
爾其加意振作更改一省方不負朕容爾自新之大恩
也再者爾薦舉叅劾屬員務須一秉至公以鼓舞人材
倘徇私納賄顛倒是非不符衆論則欺誑之愆朕不為
爾逭也勉之慎之

硃批諭旨卷三十七

欽定四庫全書

硃批諭旨卷三十八

硃批李馥奏摺

雍正元年三月十六日浙江巡撫

臣李馥謹

奏為密陳閩省情形事竊

臣

於本月十四日聞福州

共

係

幾人

逃往

何處

細訪

竊奏

以聞

省城有臺匪越獄傷及弁員雖得自風聞未知的

實然念我

皇上留心各省地方無遠不照況閩省係

臣

本鄉又與

浙江連界不敢不預為奏

聞伏祈

睿鑒謹

奏

所奏甚是一切無隱方不負委任封疆重寄不但朕前
理應如此即隣省地方舉錯偶有得失爾等大員亦當
彼此箴規互相勸戒同心合德以奉公敷治與國計民
生大有裨益也勉之

雍正元年四月初一日浙江巡撫臣李馥謹

奏為恭報麥苗情形仰祈

睿鑒事欽惟我

皇上精勤布化感召

天和浙省自入春以來雨澤順時屆今四月正二麥蠶桑

將成之候

臣

委員查看據報麥皆結穗桑葉價賤

蠶事方興其菜豆等亦各照常晴霽旬日便可豐收至於糧價白米每石一兩三錢五分秈米一兩

二錢五分麥九錢五分一俟春熟當更平減所有
麥苗等現在情形臣謹繕摺

奏報仰慰

聖心伏祈

睿鑒謹

奏

據奏雨澤調勻桑麥俱茂農蠶正殷朕覽之不勝欣悅
此皆爾等封疆大吏乂安地方暢遂民情方能感

天和之下應也更宜加勉勿怠

雍正元年五月十二日浙江巡撫

臣

李馥謹

奏為恭請

聖安以抒愚悃事欽惟我

皇上至孝純篤度越古今

親送

梓宮

躬捧

神主哀動臣民誠格

天地

享殿奉安事畢猶復攀慕無窮至羣臣敦請

還宮然後

回鑾竭誠盡禮實從來所未有者仰惟

孝思罔極誠恐

聖躬過勞

臣

方在鎖院犬馬依戀之忱未即具摺陳

奏今場務初畢謹繕摺恭請

聖安伏祈從此少節哀思俯慰天下臣民之望臣不勝

迫切瞻依之至謹

奏

朕安不必為朕過慮爾官聲頗好惟前於布政司任內
少有物議亦屬小疵第應懋勉毋懷畏懼也

同日又

奏為恭報春熟收成分數仰祈

睿鑒事竊臣於四月初一日先將二麥情形具報以慰

聖心今據各屬所報高下田畝收成分數不等通計一
省二麥杭州嘉興湖州紹興嚴州溫州台州處州
等府有七八分金華衢州寧波等府有六七分各
處菜豆蠶絲皆有七八分食物價平人情安樂皆
感頌

聖主敬

天勤民所致

臣

仰體

皇上念切民依至意所有春收分數理合

奏明其閩地近日情形容臣再行密訪具

奏統祈

睿鑒謹

奏

覽奏深慰朕懷但一切摺奏俱當據實直陳若絲毫粉飾即涉於欺隱矣

雍正元年六月十八日浙江巡撫臣李馥謹

奏為遵

旨奏明事臣於三月十六日密陳閩省情形奉

御批

命臣細訪密奏仰見

聖心加意海疆無微不至臣即密令親信子弟四處體訪的實乃敢奏

聞查臺匪越獄六十餘人官兵追至土牛大樟地方當場殺傷及擒回梟示者共五十八人投江溺死及餓斃山中者六人計皆全獲匪類盡絕地方帖然

全閩人民共沐

聖主仁恩安居樂業至於

天語丁寧

諭臣於隣省地方舉錯偶有得失彼此箴規互相勸戒
仰見我

皇上廓然大公之至意臣雖至愚極陋守分不敢越俎
然偶有見聞敢不彼此規戒合德同心共襄

盛治所有閩省近日情形據實

奏明伏祈

睿鑒謹

奏

覽爾所奏朕疑懷已釋君臣一體天下一家休戚相同
何分彼此惟期諸臣共以一誠相孚無絲毫間隔於其
間何慮四海不致昇平蒼生不蒙福澤也隱諱承順最
為陋習朕深不取切不可仰慰朕懷為詞而涉於阿
諛逢迎之跡戒之勉之

再諭粵湖道統之傳堯舜以至周公孔子聖聖相承精
一不雜原無藉於釋道自漢以來三教流傳炳若三光
屹然鼎峙歷千百年而不廢不墜豈非道並行而不相
悖歟吾儒正心率性釋家明心見性元門修心煉性以
言乎體則同聖人之明德新民如來之自利利他太上
之度人無量以言乎用又同中庸曰戒慎乎其所不睹
恐懼乎其所不聞內典云六塵涉境心不隨緣道德經
云不見可欲使心不亂以言乎進修工夫亦未嘗不同

何下士徃徃以管蠡之見縱橫辨駁以逞其胸臆蓋止
據形迹而論而實未窺其奧蘊也其言以為二氏之學
全無關乎世道人心而孰知有不然者夫積善之家必
有餘慶積不善之家必有餘殃理載於周易善惡之報
如影隨形義著於感應篇四生六道因果輪迴之秘諦
散見於大藏諸經其所以警戒提撕誘掖獎勸若合符
節究其指歸無非勉人為善而已況細而閨闈里巷遠
而海嶺山陬有不可以禮樂維持詩書訓導者而二氏

之教皆足以感發其皈向之誠消磨其隱微之慝由是
觀之釋道寧無補於王化也哉試問中國將此三途去
二留一能乎否耶不能則何必分門立戶互相排擠有
若聚訟然顧茲末法黃冠緇流下愚者多率皆餓夫懶
漢苟希利養以故招提蘭若竟成藏垢納污之地此輩
猶如穀之有稗粟之有秕惟在分別孰稗孰粃豈可併
穀粟而概棄之乎朕向來三教並重一體尊崇於奉佛
敬仙之禮不稍輕忽每見章句之士鄙薄二氏動輒輕

蔑擯斥而託名理學者尤甚及考其操履與理學真詮
又大相徑庭此不過井蛙籬鷄之徒耳何足與較浙江
俗稱僧海乃衲子卓錫勝地近十年來不特指月清機
宗風透徹者罕見即精通教律者亦未聞其人叢林凋
謝可勝太息汝仰體朕意於公務之餘留心護持使不
至過於寥落傾頽不必著相莊嚴也此諭汝自領會毋
令衆知何也士子聞之徒為好佛之譏釋子聞之致增
我慢之相其中庸流或因而縱肆甚至紊亂清規有干

法紀是朕憐之而反害之也密之

雍正元年七月二十四日浙江巡撫臣李馥謹

奏為夏秋雨澤情形事竊浙省自春收以後高低插
時禾苗甚覺滋長及交六月久未得雨臣率屬祈
禱至二十四日得雨雖節次灑潤均未沾足立秋
以來田稻專賴水養而雨澤愆期農望甚殷臣諄
勸竭力庠救一面步禱甘霖竊念我

皇上愛養黎元夙夜軫念

飭諭地方大吏遇郡縣偶有旱澇當先事圖維早為儲

備茲者浙省夏秋少雨情形臣謹據實奏

聞嗣後有無雨澤果否成災容臣陸續據實

題達以體

皇仁為此謹

奏

直陳甚是總不可隱諱但浙省民情多詐爾當細心體訪毋被欺瞞況湖港河渠環繞境內水澤頗寬不比他

省雖稍被旱猶可藉人力以施灌溉之功倘致為災爾
即酌量撫恤毋俾失所今歲蒙

上蒼眷祐各省收成雖未報齊大槩俱皆八九分以上惟
爾一省如此亟當省察政事刑名有無舛謬屬員有無
貪劣害民速行整頓庶為弭災之道據奏六月初缺雨
何至七月下旬始行具奏甚為遲悞特諭

雍正元年八月初一日浙江巡撫臣李馥謹

奏為恭謝

天恩密覆

諭旨事七月二十五日臣進摺人回捧到

皇上賜臣

內府磁器二種臣恭迎至署叩頭祇受

聖恩優渥臣何敢當謹什襲珍藏奉為世寶細繹

御批仰見我

皇上總持萬化廣大精深學無不綜理無不貫雖

治本純儒而

道通二教竊念儒與釋道不同者迹所同者心故妙
明虛靜之常為仁民愛物之本合之中和誠明體
用一源顯微無間臣向閱其書即識闇未解一二
而心敬其說今讀

訓諭益信

聖人之心明通公溥透要會宗非流俗所能窺測萬一
也臣承

旨之後即歷湖山一帶寺院減從瞻禮竊見雲林雲棲

淨慈像教莊嚴威儀整肅即小有傾圮臣當時

修葺其昭慶香積諸梵宇亦皆完好惟理安法界

深嚴清規恪守寺在衆山之中殿柱簷楹山泉滲

溜宜加整理即為捐資修補至於上天竺山門大

殿於康熙六十年間失火延燒至今未葺臣當次

不必

著相徐徐行之第捐建俾復舊觀但其僧徒舊貪利養皆屬凡流

大率

此類十居八九斷不可姑容若輩以泰清規實與愚謂建築之後當延請高僧丕振宗風滌除舊

佛道

無益也習其餘一切叢林臣亦不時瞻仰鼓舞僧衆精進

焚修以祈福

國祐民伏惟

睿鑒謹

奏

修補傾圯固屬善舉萬不宜太過更不必令知朕諭即
理安僧衆亦皆凡庸之流向來規範較他叢林此勝於
彼耳近年來總不見一出色善知識可以振興法教者
人能弘道不得其人亦無可如何朕意不過存其教像

儀則勿致頽敗而已非命爾分外越格相待也可使由之不可使知之特諭

雍正元年九月十四日浙江巡撫臣李馥謹

奏為直陳司道知府官方事竊查浙江十一府七十

七州縣地方遼濶臣仰體

皇上察吏安民

考其所辦之事亦足以知其賢否若寄

至意於屬員時加密訪緣今歲

耳目於人或恐反被欺詐

計典在即與督臣滿保同心核實往返詳酌是以不

職之員叅劾稍遲除府縣中一二賢劣密薦特叅

外府佐州縣而下容_臣於

計典中分別優劣照例薦糾惟是司道知府有表率

一省一郡之責尤為

聖明加意_臣詳看其人品等級敬為我

皇上陳之查布政使傅澤淵按察使王之麟皆年邁六
旬久於其任各稱循分守職而王之麟較為有才
寧台道陳受漣辦事明曉鹽驛道馬鍾峯居心謹
厚各為稱職溫處道蔣敷錫樸愿無他循分辦事

其糧儲道張楷尚未到任嚴州府吳昌祚廉能勤敏臣於

計典中擬定卓異金華府張坦讓守優於才衢州府
靳樹德才優於德並堪鼓勵杭州府張為政年艾
勉力湖州府吳簡民初任勤習寧波府尚璫拘守
繩尺處州府蘇稷地簡相宜臣各勉其益加勤謹
以期後効其台州府高泓現在試驗再定去留臣
受

恩深重惟恐督率無方何敢少涉偏私以蹈欺罔謹即

言之

所見冒昧直陳中間倘有改節敗檢者仍不時叅
可聽行之殊不易若陽奉陰違有名無實何益之
効其餘州縣察有虧空即飛飭封櫃將火耗彌補
有必須確訪嚴察精勤不急行之二三年或少有可觀
嚴絕派累期不負

耳
恩遇於萬一

諭中事宜其保甲臣已飭力行社倉當次第而舉伏祈

今歲浙省歉收此舉宜

緩
睿鑒謹

奏

三年考績黜陟幽明載於虞書國家政事寧猶有重於此者乎向來督撫每值計典非賄賂即請託何異商賈貿易之習其中一塵不染者僅一二人而已非爾等之所企及也既往朕槩不咎向後惟痛改舊弊秉公舉錯以昭示勸懲庶為自愛之道耳

諭李馥聞得杭州府知府張為政人甚昏庸操守亦屬平常縱容此等劣員貽累地方欲望民心舒暢時和年豐豈可得乎但伊曾經朱軾薦舉或保後改絃易轍或

朕聞見不確均未可定爾秉公察覈據實覆奏如果昏庸亟應擯斥以肅官箴即爾近日聲名亦不聞有嘉美之處勉之慎之

雍正元年十二月初四日浙江巡撫臣李馥謹奏為恭覆

諭旨事竊查杭州府知府張為政人才操守誠如

聖諭該員歷任十年機巧圓熟隨時變換故前於撫臣

朱軾在任之時頗事修飾薄有聲名及薦舉之後

漸改操守臣入境即提其用事書辦重懲枷責該
員畏法稍知收斂然其居心終難保信

皇上聞見至確似此昏庸不勝任之員若再姑容必至
貽誤地方臣謹遵不時察叅定例繕本據實糾叅
伏候

聖裁至臣蒙

皇上特拔受非常之

眷渥乃不克自奮勵無出衆之聲名致上煩

聖主諄切訓諭臣雖至愚敢不痛自改悔勉竭駑駘以
圖報效於萬一抑臣更有請者杭為大郡軍民雜
處必得才守兼優之員方克勝知府之任伏祈
皇上特簡賢員補授則於地方既有裨益而臣亦蒙
恩無盡矣謹

奏

知道了杭州府員缺已特簡一能員發往矣雖係簡用
之人亦須留心試看如有與朕旨不符之處仍當據實

直陳不可以誠如聖諭四字將順姑容貽害地方朕近日所用亦不過採取於輿論者非真知灼見之人也爾膺封疆重任千係匪輕一切俱應實體朕心公忠無隱毋得稍事迎合特諭

雍正元年十二月十九日浙江巡撫臣李馥謹
奏為雨雪應期仰慰

聖懷事竊浙省秋旱致厯

宸衷

恩典頻施

天和即應自交十月以後甘雨時降水泉滋長今十二月十三日宵雨徹晨十四日早大雪達夜自後陸續得雪積厚盈尺春種在地青蔥滋潤今蒙

皇上於通省州縣分別

蠲貸外又荷

特恩改折三郡漕米之半存留優裕且河道流通商販雲集故米糧價值漸就平減白米每石一兩五錢

秣米每石一兩四錢麥子每石一兩臣謹據實奏

聞以慰

皇上眷念斯民至意伏祈

睿鑒謹

奏

覽奏雨雪雖云霑足春熟尚難預定且勿遽然稱慶爾等封疆大吏果能仰體朕懷正已率屬進賢退不肖實心布惠愛養兵民則

天和下應雨暘之時若朕可以持左券也若縱容貪劣諱盜隱災濫繫酷刑重耗苛歛而妄冀

天庥如何可得朕命爾等分閫宣猷爾等之臧否即關朕治理之得失可不勉歟朕如此諄切提命若不痛自省改革除陋習乃所謂自暴自棄也

前者孫文成有捐修磬山之舉向來奉差織造人員往往自任捐修之名而私向地方督撫司道等官假託上意勒令捐助從中反巧取餘利以飽私囊而於正項又

復剋扣借詞某工用費若干種種陋習朕所深悉前經
密諭戒伊不可仍循此等作為但此輩皆色衣下小人
雖奉嚴諭或恐未必凜遵倘蹈故轍爾等斷不可私相
幫助爾等聲名之賢否朕自有鑒察豈肯以封疆大臣
之去留決定於微末小人之口爾等若不務本只在枝
葉上用心夤緣攀附冀朕見重則大謬矣將孫文成有
無假託勒捐之處密奏以聞

雍正二年正月二十二日浙江巡撫臣李馥謹

奏為恭謝

天恩事正月初九日伏奉

御批摺子到杭兼

賜臣

御書福字

臣

恭迎至署叩頭祇領

臣

仰瞻

宸翰龍飛鳳舞日麗星輝

恩光照曜不獨臣合門受祉兼使通省生春至杭州府

缺伏蒙

特簡賢員復荷

聖諭諄諄仰見

皇上揀選良吏無非念切斯民臣敢不祇遵

聖訓加意考課斷不敢姑息容隱以自蹈欺罔之咎謹

繕摺

奏謝伏祈

睿鑒謹

奏

朕御極之初諄切降諭寬爾已往誠爾將來孰知竟不
仰體朕意怙終不悛今有江國英一案可愧之事國法
無私朕亦不能為爾寬貸也

硃批諭旨卷三十八

欽定四庫全書

硃批諭旨卷三十九

硃批官達奏摺

雍正五年四月十二日廣東布政使臣官達謹

奏為奏

聞事竊

臣

至愚極陋疊荷

皇恩由包衣大拔置卿班復授粵東布政使恭承

聖訓諄諄又

恩賜摺奏准

臣

隨事奏

聞自顧何修仰邀

皇上隆恩有加無已敢不夙夜匪懈勵已率屬恪盡職

守仰報萬一

臣

於三月二十二日抵廣東省隨將

面奉

諭旨下與巡撫

臣

楊文乾跪聽即日起程回京

臣

又將

諭旨下與原任布政使今陞巡撫

臣

常賚跪聽訖

臣

即

於是日恭設香案望

闕叩頭謝

恩開印視事首以藩庫錢糧為重當即下庫盤查據陞
任布政使臣常賚冊開舊管新收項下銀兩除支

發將軍八旗督撫提鎮協標營官兵馬匹俸餉草

價等項外實在存庫銀一十二萬九千一百八十
以陞任藩司皎代舊任錢糧自必四柱相符諒無不清
六兩零隨取批領卷宗逐一核對四柱相符俱
之處也

皆清楚現在造冊出結交代俟冊籍造完申送署

督臣阿克敦盤查

覽
題報其四柱內有未經報部款目俟於

奏銷案內開報合併聲明次以倉穀為要查粵東通
省共額貯穀一百六十二萬四千六百三十七石
零內除雍正四年分平糶存價未買碾支兵米未
補并叅追各案虧空穀石外尚實存倉穀一百一
十萬七千九百六十六石零欽蒙我

皇上軫念粵東去年八月水災將被水之東莞等十一
縣災民

特諭賑給其餘未報災之州縣亦因去年水大收成歉
薄今春米穀騰貴各屬詳請平糶悉於應糶三穀
內撥支散賑減糶除撥支過穀石不能預定俟賑
糶畢日各府州縣冊報確數核明報銷外其平糶
穀價俱令解貯府庫秋成領買還倉查雍正四年
平糶未買碾支未補穀石係前撫臣楊文乾任內
經手之事理應去年秋收買補因收成稍歉若并
買恐致米價愈昂是以皆尚存價據臣管見統俟

此所今歲秋冬豐收嚴飭各屬照數買穀還倉委員盤
查出具印結存案如有捏飾扶同等弊察出將委
實無欺無隱更須防範屬員之欺隱尤不可沽取屬員
之感悅互相掩蔽以欺瞞督撫
訓旨遵行再蒙

皇上洪仁撥運粵西倉穀三十萬石分貯粵東以備賑
恤之用遵經委員前往領運除未運到穀六萬一
千八百石零委員現在粵西領運其已運到之穀
經督撫臣會同分撥貯倉動支平糶統俟運足平

糴畢日另詳

題報又奉督臣行文據鹽運司詳報商人趙廷佐等

據

阿克敦

常賚已經奏過願捐銀二萬兩以資買米賑給恐一時採買不足

於粵西穀內暫撥應用將所捐銀兩收存藩庫秋
成買穀還倉等因目今穀尚未用銀亦未繳合併
覽
奏明又欽奉

上諭閩粵小民只知種植果木圖取末利不思稼穡為
本種稻以蓄米糧著地方大員留心勸導欽此臣隨

遵奉刊示遍發曉諭務令遵行至於地方之利弊民風之淳漓與屬員之賢否容臣次第採訪得實

作何興剔舉錯之處另摺請

是秉公除私竭力為之

旨遵行再照粵東雖春初少雨但自三月二十二日大

雨二十三日又雨二十六七日又得微雨閏三月二十六日以後時沛甘霖雨水調勻粵東州縣可

望收成合併奏

深慰朕懷
聞謹

奏

所奏俱悉

同日又

奏為奏

聞事竊查粵東南海番禺二縣係省會之地五方雜處
當青黃不接之時不無乏食貧民經署撫臣常賚
會同將軍臣石禮哈等倡捐賑粥擇於東門外教
場之旁寬濶地面搭蓋棚廠自四月初一日為始

文武官員日到廠所監督初四日忽遇颶風大雨
將箭亭吹倒有正黃旗協領申文貴正白旗協領
董安國鑲藍旗協領柳滋洪署廣州府知府胡恂
理事同知王士銓番禺縣知縣唐祖武俱被壓傷
當有瓊州府同知來銑因公到省亦在廠所被壓
受傷獨重越時氣盡并有在廠執事人役五名被
傷身亡除收到同知關防詳委瓊州府知府宗思
聖帶理聽撫臣

題報外所有颶風吹倒箭亭壓傷員役情由臣不敢
隱諱理合據實奏

聞謹

奏

此係亭柱久被蟲蛀朽爛之所致耳類斯業經具題之
事何必爾重複摺奏耶

雍正五年五月二十日廣東布政使臣官達謹

奏為敬陳管見仰祈

睿鑒事竊照粵東地方自去年八月大水收成稍薄荷蒙我

皇上保惠元元撥粵西穀三十萬石運赴粵東分貯賑濟并動本省糴三穀石減價平糴民賴全活目今四五兩月雨水調和豐收可望時下米價每石賣銀一兩二三錢不等百粵億萬編民咸頌

皇上至誠格

天俾海疆得荷盈寧之慶也臣伏思廣東額貯倉穀并廣

西運到之穀共計一百九十餘萬石內有雍正四年各州縣平糶存價未買及本年賑給平糶并叅追各案虧空穀石約計共五十餘萬石約存價銀二十餘萬兩貯在府庫自應責令照數買穀還倉第本地產米有限目下尚未全收若令州縣領價買穀恐致價值騰貴有妨民食必俟秋收之後再於一時驟補不可若因循懈怠不補亦不可朕面諭楊飭各屬買補查上年撫臣文乾甚明總俟伊到粵商酌而行題報水災准部議覆奉

旨允照常平倉折半之例開捐監生一條令湖廣廣西
江西各省生俊購買彼省穀石運赴粵東捐納不
許持銀攬買粵東本地之米捐足賑數即行停止
此誠至善之策但今尚未據有報捐署撫臣常賚
現在咨部請示以臣管見可否請照常平倉捐貢
加級封典贖罪之例聽各處及本地生俊官民咸
赴江西湖廣粵西三省買穀運赴廣東捐納令粵
東各府州縣按照平糶未買穀數收捐并原存穀

共足二百萬石之數為期此例一開生俊踴躍報捐者衆本地米穀無官民并買之擾米價一賤民

此論

食自足通省倉穀又得足額無缺至於現存穀價

銀二十萬餘兩盡行提貯藩庫或候文作何備用

論其

是非矣

或解交內部似於倉庫錢糧均有裨益臣為

屬員

國計民生起見不揣冒昧敬獻芻蕘仰祈

睿鑒

如蒙

看爾光景被人所愚矣所以於爾前摺曾經批諭須防

屬員之欺

若任人愚弄則何堪

為人士司地方責任甚

俞允臣欽遵一面具詳督撫具

重非比色衣之事僅能自潔已身即為超羣人物也處

題請

承上接下之職而不能馭人則貽誤不淺矣於屬員胥

旨

一面行文各府州縣傳其買穀將穀價照數解貯司

後極

宜留神要緊庫聽候部文遵行為此具

奏伏祈

爾且勿露朕意試看有惜懂督撫敢具題此等無理之

皇上睿鑒施行謹

疏者乎

奏

覽

同日又

奏為奏

聞事竊

臣叨荷

皇恩不次簡用犬馬愚衷時切報稱凡有關於

國計民生無不細心採訪冀得確實見諸措施庶不

負我

皇上恭養擢拔隆恩

流言何大關國體之有

茲於傳聞之下有一大關

國體之事不得不為我

皇上密陳者緣巡撫臣楊文乾自雍正三年欽奉

特旨巡撫粵東一入境時

招搖者何事

恣意招搖查廣東舊有洋貨

行名曰十三行其實有四五十家楊文乾到任創

立行頭名色僉用六行六行之中又專用兩行為

耳目多給資本各處收買貨物壟斷洋行生意遇

此事

朕已備知爾未悉實情被人欺誑也

有洋船到廣凡報餉上貨等件俱是兩行專理向

來番人到廣聽其自投行主養活數百餘家商民

稱便自立六行之後凡番人交易非六行不能交

貨以致各行貨積如山總無番人敢買延至冬末

不能銷售不得不減折價直賣與六行轉售各商

果若

多有傾本行店無不受害其中抽扣等項名目甚

影之

多惟兩行并關部衙門庫稿書辦經手又借買穀

碾米

平糶名色給發重本與候補道員殷邦翰及

廣州府知府樓儼沿河截買客穀前歲冬上年春

粵東穀價不過六錢二三月間因殷道樓守勒買

朕意

斷無此理如何行得去即稍有苛刻處亦奉行

者之

客穀每石止給價銀四錢每石又有加頭三斗各

處穀

船聞風不敢來省皆潛泊各小港內躲避以

利何

所不可而乃不恤人言甘為此等舉動皆係與致省內米價騰至二兩七八錢三兩不等時雖設

有怨

之人誣捏斯論思欲傾陷之耳爾何得直信而不有米廠仍按一兩二錢平糶無如委員舞弊姦販

疑

每日得買五六次將米挑在街上貨賣高價實在

至云

盜販得意窮民守候數日不得買米一次措置乖方怨鄉村窮民守候數日不得買米一次措置乖方怨

文乾

何涉爾今為藩司此等事正係專責爾能料理微聲載道查楊文乾專用殷邦翰樓儼為心腹羽翼

底一

清保委員皆人奉法乎似此能說不能行之空一清保委員皆人奉法乎似此能說不能行之空

言何

益據爾將此事詢問常費搖手點額以為是實伊路以目親戚相見只一拱手不敢交言皆由殷邦

身為

布政亦安能辭其過也翰等遣人密捕恐嚇人心所致此皆上年之事臣

將軍

未曾目擊不敢遽信追詢之將軍巡撫及司道同

官無不握手點額交口嘆為實事即今年三月臣

止不

過因爾之問乘機俾爾來感朕之耳目耳非公論

也蓋

緣楊文乾執法過嚴以致地方不法棍徒并旗人

皇上

諭旨下與楊文乾跪聽伊即日起程赴京傳聞伊

革怨

到梅嶺時嶺上原有伊父親楊宗仁去思碑一座

錯也

被商民將猪犬穢物塗滿又將活羊一羣去其頭

此舉

明係一二無賴姦巧棍徒所為何足入揭陳奏

在爾

乾俯首而過竊臣與楊文乾等從未謀面毫無嫌

素有

隙但因此等事大有關於

朕若遽信

誣捏無稽之言遂率爾譴責大臣乃大有關

國體臣受

恩深重既不詳審事情妄奏上官之過亦大有關國體似

此六字甚有關係非可信口亂道之言也

奏伏乞

皇上睿覽施行謹

奏

爾此奏非出於有意陷害故無大過但爾被人欺誑矣

向爾造言之人不過欲借爾之詞以搖惑朕耳目之意
楊文乾撫臣中之好者斷不負朕洋行之事早有人奏
聞已面問過楊文乾其中原委朕已詳悉即樓儼亦係
一好員楊文乾實心任事招人怨望則有之其於待人
接物之間欠謙和未免意氣高傲所以同事者每多與
之不協耳巡撫乃爾之上司當極加小心盡禮與之同
心協力俟伊旋任共事一番爾自當知悉也慎毋聽信
離間之言與巡撫不和恐爾反自貽伊戚於伊抵任後

如爾親見有不妥處須以誠心竭力勸阻不可以已往之流言存於胸中而生芥蒂致自悞已身之事也慎之

硃批諭旨卷三十九

欽定四庫全書

硃批諭旨卷四十

硃批常賚奏摺

雍正四年四月初二日廣東布政使臣常賚謹

奏為奏

聞事竊臣於雍正四年正月十九日到任詳請巡撫臣

楊文乾代

題恭謝

天恩外即將欽奉

諭旨向總督臣孔毓珣巡撫臣楊文乾面傳孔毓珣楊

文乾俱跪領謝

恩訖隨盤查司庫有實存銀一十六萬三千九百五十
知道了

兩有零逐一兌收貯庫一面查對前任收放各項
錢糧數目於三月十一日將清冊申詳巡撫俟巡
撫盤查訖即出結具

題再查通省有必需之公項每年約計四萬餘兩皆

好

貽累百姓以為可久之計一經議妥巡撫當即

奏請舊年臣恭請

聖訓時蒙

諭旨爾到廣東總督巡撫待爾何如繕摺奏聞欽此臣
今到任兩月有餘看得總督巡撫居官辦事誠如

總宜據實無隱

聖明照鑒待臣

亦俱好惟是廣東一省盜案甚多即拏

獲到官從不肯招出同夥與窩家往往陷害仇人

誣扳富戶每見巡撫審訊盜案甚覺詳細慎重而

臣亦必細細與巡撫籌畫弭盜安民之策以仰副

我

皇上子惠元元之至意查各屬官員大槩循分供職者

楊文乾原好可同心協力與之整理地方

居多若夫才守兼優者臣履任未幾不敢輕舉容

留心察訪另行摺

是奏自今以後凡有關於

國計民生興利除弊事宜臣務斟酌確實詳明督撫

始敢施行其中有應奏

甚是

聞者另摺具奏臣一介庸愚荷蒙

皇上畀以重任雖捐糜頂踵何能報稱於萬一惟有勤

慎辦事節儉持身以盡犬馬之力雖遠在粵東總

不敢少萌一自欺自怠之心誠懇懇一如在

果

能實實一如此奏爾可成大器也

但不可偏於粉飾

養心殿凜凜然俯伏敬聆

聖訓時也謹

奏

覽

雍正四年十月二十六日廣東布政使臣常賚謹

奏為恭謝

天恩事竊臣蒙

皇上御賜紫金錠鹽水錠諸珍藥隨恭設香案望

闕叩頭謝

恩訖伏念臣至微至賤仰邀

任使已深逾分之慚復荷

恩頒更切生成之戴惟當益竭愚忱上報

高厚於萬一理合繕摺奏

謝謹

奏

知道了傳鼎博爾多已將朕用人於藩邸之顏面掃盡
矣汝當奮勇自勵今日以前聞汝頗好但不知向後何

如耳勉之

同日又

奏為奏

聞事竊

臣

到任將及一年就地方中應

奏之事二件另摺敬陳外

臣

謹看得總督孔毓珣歷

練老成處事得宜所屬軍民無不愛戴聞從前操

守尚覺平常近來則分文不取巡撫楊文乾實心

辦事勇於有為於地方利弊無不急欲興除但每

多任性遇事過激署按察使殷邦翰辦事有才但
為人多詐居心難信惠潮道方願瑛辦事勤敏操
守亦好廣州府知府樓儼專事趨蹌不勤政事通
郡人民嗟怨此外官員循分供職者居多其在任
未久者優劣尚未周知容再為訪察據實奏

聞至臣受

恩深重時刻銘心是以惟知有

皇上不知有他人惟知有報

恩不知有招怨據所見所聞直陳無隱斷不敢一字涉

虛有負

天高地厚之深恩也謹

奏

好凡有所見所聞應如是直陳毋畏毋隱方是朕用人
如爾若不得聞聽的確則耳目更無可寄矣諸事秉公
持正據實敷奏勉為之

雍正五年二月初一日廣東布政使

臣常賚謹

奏為恭繳

硃批瀝陳微忱仰祈

睿鑒事竊臣齎摺家人回粵奉到

硃批諭旨臣捧讀之下淚如泉湧手足無措伏思傳鼎
博爾多自幼跟隨

皇上受三十年教養之恩復蒙不次超擢俱膺重任雖
捐糜頂踵猶不能仰報於萬一乃一旦頓減天良
上負

君恩此誠天地之所不容鬼神之所不宥者也臣前閱

邸抄已為髮指今讀

實屬不解誠所謂小人福淺不能負荷耳否則喪心病

諭旨更覺痛心臣深荷

狂若不然且莫講負朕深恩即自己一身可以造就成

皇上隆恩恐復蹈二人之轍

千百年之人物亦全不顧念豈不可惜大奇大奇

特加矜恤訓誨諄諄感愧無地臣賦性駑鈍雖無過人

之才而忠君報主之忱存諸夙昔鑒此二人愈加

勉勵惟永矢此心竭圖報效雖遠居萬里之外常

如在

御座之前惟有知無不言言無不實事無不行行無不

須要合理得當

力以上報

主恩臣斷不肯似此二人頓滅天良喪心病狂有負委用之

天恩作千古無恥之罪人也此臣微忱出於至情激切奏陳不勝惶恐之至謹

奏

朕嘉悅覽之但日久不忘此摺所奏之言庶不有負朕

之期望

同日又

奏為奏

聞事竊

臣屢沐

天恩得膺重任雖冰蘖自矢未足報稱何敢以纖毫肥
已之私自貽罪戾謹將去歲一年所得之養廉與
各項費用之處敬摺奏

聞查廣東布政司衙門向來每年所得規禮平餘銀約

有三萬餘兩

臣

到任後隨將一切陋規悉行禁革

惟有州縣所解錢糧每兩有平餘銀三分向係督撫藩司分作養廉之費查廣東通省除州縣存留備支外每年額解錢糧八十五萬兩零以每兩三分共計銀二萬五千餘兩督撫藩司每股照分銀八千三百餘兩又投充吏役給發執照向有督撫藩司紙割之費今亦照股分銀二千八百餘兩通年核算共得銀一萬一千餘兩此外並不敢有絲

毫欺隱除臣家口衣食用度幕賓束修併修理衙署庫藏等項共用去銀八千八百餘兩尚存銀二千二百餘兩此項餘銀倘值青黃不接之時小民艱於日食擬買米設廠煮賑以廣

皇仁竊臣素居貧賤今得足食足衣已是邀

恩無極惟竭盡犬馬之力上報委用之

恩何敢稍有私心自蹈欺誑之咎也謹

奏

好朕今用爾為巡撫矣爾試想常賚今日做巡撫常將此五字提撕尚忍得行一件欺君誤國之事以負朕乎當勉力成全朕用人顏面與舊日潜邸諸人增色不然則為天下後世之大笑柄矣大約貪酷不法之事爾自不為第恐趨於柔懦沽名一邊被人欺誘或入屬員之牢籠受科甲之夤緣請託而不能秉公察吏則為負朕也切宜勉之慎之欲免此咎亦惟有祇知君父為重凡百毫不瞻顧一切據實無隱如斯而已若為虛譽小利

懷私自便恐難逃朕之鑒察也

雍正五年二月初十日廣東布政使臣常賚謹

奏為恭謝

天恩仰祈

聖鑒事竊臣於雍正五年二月初九日接准部文內稱

雍正四年十二月二十五日內閣九卿等奉

上諭福建巡撫員缺著廣東布政使常賚補授欽此臣

聞

命自天感激無地隨恭設香案望

闕叩頭謝

恩訖伏念

臣

一介庸愚至微極陋荷蒙

皇上天恩不次擢用茲復恭承

寵命畀以閩海封疆重任

臣受

恩愈重圖報愈難感戴微誠與恐惶交并惟當實心任
職實力辦事務期殫竭駑駘盡瀝肝膈以伸報效
微忱耳更有請者

臣

自幼侍從日覲

天顏不違咫尺自擢任粵藩跪聆

聖訓以來未獲瞻仰

闕廷已逾一載有餘戀

主蟻忱與日俱永況閩省為沿海要地臣才識短淺於

地方情形一切未諳伏乞

皇上俯允臣赴京

陛見得覲

天顏面聆

聖訓俾得竭蹶辦公不致舛錯庶海疆大有裨益而犬馬依戀之私亦得稍遂矣所有感激微忱合行繕

摺奏

謝謹

奏

督臣高其倬前任雲貴時偏於柔善姑息自李衛到滇傳旨後始知朕意所向較前已好及至來京陛見經朕訓誨今任閩浙全是矣爾抵任後自必相合諸事當與

和衷辦理茲爾撫闔立心行政爾係朕深知者亦無可
教導至於地方事宜摺奏可以訓諭若肯向上不負朕
恩來京陛見亦不過如此若立志不堅便一年一次陛
見徒勞往返與事何益若言戀慕君臣果能一德萬里
同心況朕與爾年俱未衰何必作兒女之態受事後加
意懋勉治理數年然後來京未為晚也目下不必但以
孤忠自效為本一切不稍瞻顧欺隱何事不可以辦集
耶勉之勉之

同日又

奏為奏

聞事竊臣蒙

皇上天恩特授福建巡撫伏念廣東福建同是

皇上封疆豈可以甫經陞遷遂將廣東緊要事件視同
膜外不行奏

聞今就臣所親得之見聞於粵省民生地方實有關係
者條具於後以備

聖主採擇

一碣石左翼二鎮宜慎簡幹臣也查粵省沿海地方惟廣惠潮三府乃洋盜出沒之地全賴賢能清廉之總兵官實力防範不稍懈縱偷安需索滋擾則所部自然凜凜奉法庶使姦宄潛跡可弭賊盜肆刦之患今查得碣石鎮總兵陳良弼左翼總兵藍鳳不但廢弛營務不能董率將弁且縱兵擾民漫無約束又操守不堪惟圖需索陋規况年已七

十精力平常均於沿海重任不能無誤似宜另

已有旨矣

簡賢能俾其整頓營伍綏戢地方於兵民大有裨益矣
一新奉撥運倉穀宜盡行發糶也查粵東昨年晚
禾歉收米價頓昂荷蒙我

皇上軫念民艱特敕部議將廣西積穀三十萬石撥運
來東添備倉儲仰見

聖慮周詳籌畫盡善惟是秋成之後例應買補查得粵
省連年歉收若將糶出價銀責令尅期買補勢必

至於市價騰湧官民交受其困以臣管見目今現奉部文准開常平倉運米事例從此隣省生俊輩爭先輸納源源而來倉儲不患不充可否懇祈

皇上特敕撫臣將此三十萬石倉穀盡行發糶價銀可得一十五萬兩免其買補解貯司庫另行收貯以備不時之需是藩庫歲銷之外又有此備貯銀兩以壯邊儲以裕民食可一舉而兼收其效矣以上二條皆臣再四熟籌始敢據實陳

奏是否有當伏乞

皇上睿鑒施行謹

奏

楊文乾請假朕已准伊所請茲命爾署理粵撫事務楊文乾尚需數月方能回任倉穀乃為爾身之干係事矣朕意爾所論固可平一時之價但

天年何可期必目下雖少苦價昂尚不至於乏食倘倉儲一空將來萬一歉收所關非細此在爾相機籌畫遠近

輕重而為之朕實不便諭應行與否也此際如楊文乾
尚未動身當與之悉心商定再行若有應請旨處即行
具題爾乃暫署之人止圖目前平價以遂衆欲及日後
楊文乾回任時倘少至難於措置則爾領罪不輕矣慎
為之

雍正五年三月二十五日廣東布政使臣常賚謹
奏為奏

聞事竊照粵東早稻於三月間插蒔六月間收穫今歲

二月以後天氣晴霽米價微貴幸得三月二十三
四兩晝夜大雨臣遣員查看四野禾苗俱已栽插
將來早稻可卜豐登至奉

旨撥運粵西倉穀三十萬石原委糧驛道何師儉前往
梧州府地方接運今自三月初八日起陸續已運
到五萬石有餘臣現在酌量各屬地方之緩急需
穀之多寡分撥運糴以平市價俟粵西穀石運齊
分撥完日另行

奏報外目今廣州市城米價日見平減人民樂業地
方寧靜誠恐上厯

聖懷理合據實奏

聞謹

奏

覽奏米價平減深慰朕懷

雍正五年閏三月二十七日署理廣東巡撫印務

臣常賚謹

奏為恭繳

硃批仰祈

聖鑒事竊

臣奏摺家人馳驛回粵捧到

硃批諭旨跪讀之下仰見

聖謨遠大睿慮周詳

臣

不敢以將去而膜視其民暫署

而忽畧其事惟有凜遵

聖訓慎重籌畫因時制宜以仰報

皇上委任之深恩也今查粵西運到穀石除分貯肇慶

府倉穀四萬石外計運到廣城十六萬三千石零
因惠潮兩府去秋被災其所屬成災之縣現飭將
倉穀發賑其勘不成災而亦被水之縣現在另疏
題賑此外各縣仍飭照糶三例減價平糶復慮各屬
貯穀多寡不一又會同督臣阿克敦議撥粵西穀
二萬石起運惠潮二府分貯臨時酌量詳明動用
再廣惠肇三府自三月內得雨之後至今雨澤愆
期米價漸昂誠如

聖諭

天

年雖云不可期必若克盡人事其應亦如影響惟以一

誠上格自當有驗

現飭各屬遵例糴三省城現在開倉

天

道惡盈凡百慎勿高興自滿敬慎二字果能堅守不移酌量平糶均飭秋收買補臣又率屬虔誠祈禱雨

則雨

澤今喜於本月二十六日遠近皆已得雨民情安靜嗣後有應請

賜時若朕可以保之也

旨處即行具題臣斷不敢以暫時署理止圖目前平價

如此方是

以遂衆欲致楊文乾回任時難於措置而自干罪

戾也謹

奏

覽

同日又

奏為奏

聞事竊臣至愚極陋才識疎庸荷蒙

皇上隆恩至優至渥惟殫竭愚誠以圖上報

高深於萬一臣思巡撫之責首在稽考屬員之賢否若

屬員果能潔已奉公百姓自受其益臣敢不仰體

聖衷時刻留心稽察以整飭吏治日前有潮州府通判
吳安泰私賣變價戰船署石城縣舉人嘉鍾秀諱
匿盜案業經具疏糾叅今查有新補澄海縣令劉
德基原由教職俸滿蒙

恩特用不思潔已奉公以仰報

聖恩到任甫經數月而穢聲昭著又有花縣知縣朱紹
瀛居官素屬平常因係公馬爾賽之壻從前均為
姑容今自委署海豐縣印務以來任意貪婪毫無

顧忌臣查訪既確斷不敢為伊徇庇以致貽害地方除具疏列款糾叅外合再繕摺

奏明仰祈

恩鑒謹

奏

覽此奏朕甚嘉悅但肯肅公察吏地方諸務自當就理矣勉之

雍正五年四月十三日署理廣東巡撫印務臣常

賚謹

奏為奏明嚴處積案兇盜以靖地方事竊查粵東山海交錯素稱盜藪臣蒙

皇上委署粵東巡撫印務視事以來檢查案卷內有已
叅疎防之盜案一百餘件尚有未叅疎防之盜案
因從前未經叅過歷任督撫將州縣獲報之賊審
實從重枷責發交親族保領約束兇橫之徒不知
畏懼悛改臣見每案之中必有為首糾夥及行兇

肆惡之徒若一概枷責發落日後斷難保其不再為盜臣不敢少為因循今將未獲賊之案催令文武嚴緝務獲不使漏網已經獲賊之案催令審解臣必親審明白將極惡首盜并傷人之犯即委員押赴稠人廣衆之地立時杖斃以示儆戒臣近又准部文嗣後審擬盜案將造意為首及殺傷人者悍惡兇暴者行刦三次以上並窩引盜賊者為法所難宥有迫於饑寒被人誘脅并聽從父兄指使

跟隨上盜者為情有可原一一分析開明等因臣
此後擬審未叅疎防之盜案亦遵照定例分析將
法所難宥之犯俱行杖斃其情有可原之犯嚴行
枷責項帶鐵牌朔望點卯庶姦狡積盜不得倖免
兇惡之徒咸知凜畏而盜風可以漸息矣謹將嚴
處積盜緣由繕摺

奏明伏祈

皇上睿鑒謹

奏

所見甚是應如此料理楊文乾回任時將朕此諭與伊
看

雍正五年五月二十四日署理廣東巡撫印務臣

常賚謹

奏為奏

聞事竊臣訪聞韶州府曲江縣濠裏地方有一山名為
礬洞產有銅礦自宋元時曾經開採挖有銅沙堆

積於壠旁之溪岸後因封禁山口此沙遂不許私煎間有村民偷取煎熬被地方查察相爭無已臣思此項銅沙與其堆積消毀何如作爐煎煽如其實在有銅亦可湊為解部額銅之用但現堆若干每堆約有若干擔每擔約可得銅若干勅臣已密諭韶州府知府黃文煒親往查勘煎試去後尚未覆到倘查明如果有銅可煎臣即於雍正六年承辦銅價內一面量給工本交該地方官督同煎煽

一面具疏

題明俟煎得若干即抵解粵省每年應辦戶工二部
銅觔數目將辦銅價銀扣存撥餉於錢糧似有裨
益是否可行伏乞

皇上睿鑒施行謹

奏

勘明如果實有銅沙乃係極有益之事到閩之日面向
楊文乾說知可也

同日又

奏為奏

聞事竊照粵東閏三月雨澤愆期自四月及今甘霖疊沛晴雨及時因當望雨之際適得滂沱霑足禾苗暢茂較盛於常目下早禾已熟各府收成俱約有十分九分不等省城米價每石減至一兩一二錢窮民易於謀食所有平糶煮賑二項俱於五月初停止此皆仰賴

皇上感召

天和福覃寰宇海隅蒼生獲享盈寧之慶誠恐上厯

聖懷謹將早禾豐稔米價平減緣由據實奏

聞謹

奏

覽奏深慰朕懷此皆爾等督撫實心任事上感

天和之所致朕甚嘉悅焉

同日又

奏為奏明立限買補倉穀以裕

天儲事竊照粵東常平倉每年應糶三穀四十八萬有零除碾支兵米於徵收本色米石抵還外其餘照例平糶出陳易新上年春夏之交米價騰貴經撫臣楊文乾於糶三之外復在存七穀內融糶一十五萬石有零所糶價銀均存府庫查無短少原擬於上年早晚二收照數買補因去秋被水歉收穀價高昂平糶之價不敷買補今歲春間又經平

糴統計兩年平糴碾支及動存七之數共九十餘萬石除徵收本色抵還碾支及已經買補外尚未買穀四十餘萬石倘一時需用或有缺乏關係非淺幸今及時得雨早收現在豐稔臣已嚴催即時買補復與署督臣阿克敦面議定限於七月內務必買補十分之五十月內照數全補倘十月內不行買足即照虧空叅處未買之數交知府領買限至歲底補足如仍有未清著落該府縣分賠并照

虧空治罪如此立限嚴催不少寬假則人人必以
功名為念自當上緊趕買早晚兩收之後各府州
縣應貯之數顆粒無缺庶得以仰副我

皇上慎重倉儲之至意也

臣叨蒙

聖恩不敢以暫時署理少存徇縱合將立限催補緣由
繕摺奏

聞謹

奏

全史卷之六
卷四十
知道了到閩之後可竭力料理汝本任內之事楊文乾
經理福建一番事後回任自應盡心料理也

雍正五年六月十八日署理廣東巡撫印務臣常

賚謹

奏為覆

奏事竊查粵東韶州府曲江縣礬洞地方溪河之旁

積有銅沙日久無用臣經一面行查一面具

奏今據韶州府知府覆稱查明此沙之堆或高四五

尺或高七八尺至丈許不等共約有千餘堆每沙
一擔約可煎銅三四觔不等即煽至一二年恐不
能盡等語查臣前摺內原有擬發工本委員前往
煎熬之請但思此沙堆積日久其中出銅多寡固
難懸定若發本委員則所委之員必多而僱募人
夫又慮紛雜難稽今擬聽本地附近殷實居民自
備資本赴臣衙門報明許其召募工役設爐開煽
每沙一擔隨其得銅多寡酌其所費工本或行對

半或行四六分收仍委幹練文官一二員專司稽
察不許煎多報少并令就近武員帶兵巡邏不使
姦匪混雜如此則所用工役俱係本處土著之人
聚散皆易併可免動用錢糧省銷算之煩其所得
銅觔湊同解部臣非不知山場久奉封禁但銅沙
現存不必開山鑿取且又於

國家鼓鑄不無裨益是否可行伏乞

聖鑒謹

奏

想爾已往閩省矣此事交與楊文乾令與孔毓珣阿克敦詳議妥協奏聞候旨舉行

同日又

奏為奏

聞事竊照粵東每年夏秋間大雨時行廣西諸水直趨而東奔流入海蓋以水急勢橫復加靈雨連綿東南風猛海潮倒灌潦水不得順流兩相搏擊致粵

地圍基頻有衝決之患今年五月十五日至十八日止連日廣西諸水湧漲至一丈二尺有餘臣即親赴查勘據里民咸稱今年水發本處喜無大雨加之風靜浪平惟南海三水新築圍基其基面窄狹者偶有漫溢缺口亦不過數丈幸早禾已收晚禾未插毫無有損其餘圍基俱安然無恙水勢於五月二十日即消去一半二十日後業已照常臣已檄飭各屬督率居民協力修復晚禾亦皆蒔插

此皆仰賴

皇上至德遐孚

天心默佑是以水發之時無大風大雨逆流激湍海疆得
免水潦誠恐上厯

聖懷謹將圍基無損緣由繕摺奏

聞謹

奏

據爾所奏深慰朕懷向聞此圍基若於年前預為實力

修築即可保次歲無虞爾其知之

同日又

奏為恭謝

天恩事竊臣齋摺家人回粵捧到

恩賞各種藥錠一匣臣隨郊迎至署恭設香案望

闕叩頭謝

恩訖伏念臣一介庸愚茫無知識荷蒙

皇上委任粵東藩司甫及一載復

畀以閩撫重任又

命署理廣東巡撫

恩綸疊沛榮

寵逾常

臣

智識短淺涓埃莫報乃蒙

天心眷注

特頒珍藥拜

賜之下覺嶺海烟嵐蒸濕之氣一時頓釋臣不勝感激

之至惟有益殫心力愈矢公忠以期仰報

高深於萬一理合繕摺恭謝

天恩謹

奏

覽

汝此去到閩絲毫毋得瞻顧情面乘此時同楊文乾徹底清楚日後汝更易為力矣當與之和衷辦理悉心詳查朕已有旨諭楊文乾不必候汝到閩先即一面料理朕看汝之局面清勤二字似不為難但恐偏於平易疎

慢寬縱沽譽一邊倘一涉此病較之貪婪不職者等耳
况高其倬又是以長厚自居惟恐被人嗔怪者從來身
為大臣任勞易任怨難汝二人若一味以取悅於人為
務自必有欺隱之弊一涉欺隱則無所不至矣勉之慎
之君恩不可負也朕何為諭及此因汝自到粵省以來
凡汝通省屬員來往人等無有不稱頌汝之和平寬厚
者朕甚疑之福建邊海巖疆兵民刁悍若督撫惟以寬
仁為主則萬難整飭地方毛文銓即係榜樣倘汝將就

因循不能徹底清釐朕只得又調汝別任另用人察汝
矣所事若少不清楚朕斷不肯中止也竭力為之

雍正五年七月十九日福建巡撫臣常賚謹

奏為請定修堤之專責杜水患以衛民生事竊照廣
東近水田畝苦於廣西潦水漲發每致收成歉薄
今夏水漲一丈有餘喜天氣晴明東南風信不作
潮水如常廣西水來得以順流出海兼臨漲之時
嚴飭各所屬親赴堤畔率同有業民人共相保護

雖有衝決隨決隨修田禾無損惟查修築堤岸向
例設有堤長按畝派工羣起力作迨後官念民力
艱難委員量為幫理未免彼此推延不能及時修
築以致水患頻見臣查近水受衝之縣廣州府惟
南海三水肇慶府惟高要高明四會等縣為最今
欲保固堤圍莫如責以專任請以廣州府糧捕通
判兼管南海三水堤工肇慶府糧捕通判兼管高
要高明四會堤工令於冬收之後督同堤長按照

各業戶田畝派工修築務使堅固水漲之際即督同各業戶保護更請定賞罰之法以示勸懲一二年至三四年保固平穩者予以紀錄加級五年不致衝決者以應陞之缺即陞一二年及三四年衝決議以罰俸降級五年頻見衝決者革職則事有專責庶水患可除而民業無虞矣再修築堤工必先備物料以為搶修之具此項費用既不可派之田畝復不能取之在官必致臨時掣肘

臣

查廣肇

二屬向有魚芻鴨埠稅款向照徵收以充公用後
經禁止但查事關水利按徵似亦無礙每年計得
千有餘金即以此銀照數解交通判以備搶修物
料庶掣肘無虞而歲修無誤矣今已離署不及具
題謹繕摺瀆

奏伏乞

睿鑒施行謹

奏

此奏甚屬妥協周詳抵閩時面交與楊文乾悉心照此辦理應題者具題但楊文乾曾經奏請開捐以修理圍基同孔毓均面奏時朕經詳悉諭過楊文乾今若有意將此摺所議之處怠忽從事以覲行已前奏則自招大過矣將此摺并朕批諭皆與楊文乾看

同日又

奏為奏明太平粵海兩關稅務事臣仰沐

皇恩委署廣東巡撫兼管太平粵海兩關稅務自接署

及今將及五月無時不以裕課恤商為念但查兩
關春夏之稅有限所賴者盡在秋冬如太平關除
正額外上年奏報羨餘銀四萬五千餘兩臣接署
時撫臣楊文乾僅交下羨餘二萬六千餘兩臣自
三月十八日接署至六月二十一日一年期滿除
正額外按日計算應該羨餘銀一萬五千餘兩今
據韶州知府按月報解尚缺羨餘銀一萬兩有零
隨查向例將單錢平餘等項統歸羨餘亦僅得銀

八千四百餘兩今統交署撫臣阿克敦奏報尚不足羨餘一千兩有零仰冀

聖鑒查粵海關惟賴夷船但夷船必待風信於五六月到粵所載貨物無幾大半均屬番銀輸鈔納餉必候夷人買貨完畢除所買貨物按則納餉外統計每銀一兩抽分頭銀三分九釐此係舊例是一年稅課之正羨咸賴秋冬將有餘以補不足每年正額四萬三千餘兩羨餘四萬八千二百餘兩臣自

接署至卸事共計一百五十日該正額銀一萬八千三百餘兩除現收船鈔貨稅以及各口解到之稅共計銀三萬一千二百餘兩彙交署撫臣阿克敦收貯外尚有遠口各委官徵收未解俟解到日統於年滿奏報獨是臣任藩司時傳聞撫臣楊文乾徵收課稅去年設立專行計共得銀二十餘萬隨即密察未得其詳迨署巡撫印務復行確訪詎經手庫稿兩房經承撫臣楊文乾於臨進京之先

各給路費俱令回籍矣至夷船今歲進口時停泊數日並無行店承攬因詢之各商僉云廣東洋行向係十六七家去歲撫臣新例將夷人帶來銀兩每兩預行加一扣收共計得銀四萬三千餘兩及上餉之時仍照收稅耗外復抽分頭銀三分九釐令專放之六行先行辦繳又發銀數萬差人往別省置買湖絲茶葉等貨貯如升行飭令儘先賣完方許各行賣貨今崇義店陳騰官行內現貯湖絲

二百餘擔客商知有積貨并慮貨到不能先賣以致往來稀少各行畏懼等情臣既訪察確鑿斷不敢姑為徇蔽致干欺隱之咎謹據實奏

聞伏祈

睿鑒謹

奏

據奏楊文乾所獲之利即此四萬三千之數抑或係先言二十餘萬之數殊未明晰除此洋行貿易之外楊文

乾更有見小漁利之處否據實奏聞不得隨意增減

雍正五年九月初二日福建巡撫

臣常賚謹

奏為奏

聞事竊臣於八月二十二日到閩隨經具疏

題報在案查得

欽差廣東巡撫

臣

楊文乾浙江觀風整俗使

臣

許容吏

部郎中

臣

鄂彌達內務府員外

臣

伊拉齊先於八

月十二日到閩

臣

隨即會同委員分查各府州縣

之實貯若干虧空若干務必徹底清查無絲毫遺漏方可會題以慰

皇上惠愛元元剔除積弊之至意臣莅任方新雖未周知而稽查歷年倉穀案卷或貯價流交或捏報不實或因價值不符觀望未補遂至倉貯虛懸我皇上特差大臣逐一清查仰見

聖明無微不照臣仰蒙

聖恩以微賤之身委任封疆之重敢不竭盡駑駘清除

積弊厚恤民生以仰副

皇恩於萬一謹

奏

勉為之經此一番清楚之後爾將來大為省力獲免無限處分假若逞愚昧之見沽一時虛譽稍為優柔瞻顧則朕此番徹底清理之舉殊為可惜也竭力勉為之

同日又

奏為奏

聞事竊臣查得閩省舊例每月俱有土產食物差家人進貢如有應奏摺子即同進貢摺子併裝一匣直到

宮門呈進臣任坐糧廳及布政使俱奉

聖旨如有奏摺交怡親王轉進

內廷欽遵已久今臣查閩省進貢物件不便摺子與貢物兩處呈進臣再四思維謹將

奏摺同貢物逕至

宮門呈進為此奏

聞伏冀

皇上睿鑒謹

奏

自然應如是進呈向因汝係兩司之任故命怡親王代汝轉奏今已用汝為撫臣自當照衆例行也

雍正五年九月二十六日福建巡撫臣常賚謹
奏為奏

聞事竊臣到閩以來訪聞多有好勇鬪狠慣習拳棒一朝之忿遂起釁端兼有倚勢逞兇以強陵弱以及衙蠹訟師巧於舞弊架詞興訟魚肉鄉民者種種不法各府皆有而漳泉為甚臣現出示曉諭兼密行訪拏一有不法之類分別輕重嚴加懲治應具本者臣當恭疏

題叅應摺奏者臣當繕摺奏

聞務使澆漓刁悍之風漸漸遷改以慰我

皇上移風易俗之至意謹

奏

酌中合宜次第施為不必專務章奏空言惟當實力行之

同日又

奏為奏

聞事欽惟我

皇上念切民依於各省雨暘情形收成分數時厯

聖懷臣叨

恩撫閩自廣東赴任所歷漳泉興福四府一路見晚稻
秀實沿途父老子弟皆歡欣踴躍共慶有秋詢其
收成約計七八分不等咸稱感沐

皇上愛養以致雨暘時若獲此豐亨等語此皆臣所親
見其延建汀邵上四府臣遣人遍查皆有八九分
收穫較福州等四府尤為豐稔仰見我

皇上憂勤宵旰深宮虔禱故能感召

天和錫民祉福俟禾稼登場完畢之日另行具

奏外恐厯

聖懷合先奏

聞謹

奏

覽

一切奏聞只宜據實上達似此粉飾諛詞欺詐虛文有

何益處

同日又

奏為恭繳

硃批感謝

聖訓事竊臣齋摺家人回閩捧到

硃批臣恭設香案望

闕謝

恩訖跪讀

聖諭蒙

皇上飭臣與楊文乾和衷辦理又許臣清勤誠臣寬縱
皇上訓勉策勵周詳曲盡不啻覆載生成竊思臣於前
歲除授廣東布政使時於

養心殿跪聆

聖訓煌煌

諭旨銘刻於心無時敢忘況臣幼蒙

皇上豢養今復荷

天恩委以封疆重任在臣之心只知有我

聖主一人至內外臣工臣何敢復存瞻顧之念但臣在
藩司任內因初膺外職循分守已既不敢隨聲附
和亦不敢創立主見是以臣未嘗稍有沽譽之心
而人多有以臣為和平寬厚者臣捧讀

諭旨惶悚無措竊思臣之官

皇上授之臣之身

皇上養之臣不思仰報

主恩反欲市名沽譽於悠悠泛泛之人是屬何心臣雖

愚昧斷斷不肯為此今又蒙

聖主隆恩諄諄訓諭臣惟有益加勉勵實力察查務必
將從前積弊盡行發露庶不負

皇上委任之深恩教養之大德也為此激切陳

奏伏乞

睿鑒謹

奏

沽寬厚和平之虛譽其過尚小若再加以朋比欺隱則

罪不可追也

雍正五年十月二十五日福建巡撫臣常賚謹

奏為遵

旨覆奏仰祈

睿鑒事竊粵海關稅一項欽奉

硃批據奏楊文乾所獲之利即此四萬三千之數抑或係先言二十餘萬之數殊未明晰除此洋行貿易之外楊文乾更有見小漁利處否據實奏聞不得隨意

增減欽此伏思臣之一身生自微賤並無親族依倚
維持且賦性魯鈍不諳時務仰蒙

皇上天恩恭養訓誡時加兩年之間

擢臣巡撫委以封疆重任臣即捐糜頂踵不足仰報萬

一若臣有見聞不行據實陳

奏敢稍為增減以欺

聖主實為天地之所不容矣謹詳細陳之查粵海關稅
定額四萬兩有零雍正四年據楊文乾報稱連溢

羨共九萬餘兩臣細加查訪實有十五萬兩夷人
帶來銀內每兩抽銀三分九釐計得銀二萬餘兩
再紅黃顏色紬緞例禁出洋楊文乾令其置買每
緞一疋得銀七錢線紬五錢紬疋及線每觔得銀
四錢約計得銀萬兩又洋船所載多半皆屬番銀
於起船時勿論其是否置貨先以每兩加一抽分
得銀四萬三千兩此係楊文乾例外之求復以進
上為名洋船開時揀選奇巧物件統歸署內並不發價

專行代償約計銀二萬餘兩又將銀一萬九千兩
作銀二萬交鹽商生利每年取利銀七千二百兩
再查專行數家內有推病者有遠避者蓋楊文乾
進京時傳各行吩咐今年計於八月回粵夷人帶
來銀兩不能細查總以洋船所置貨物湖絲一擔
扣銀二十兩茶葉扣銀五兩磁器等貨扣銀二兩
按擔計銀回時彙繳此楊文乾之見小漁利處也
至人言湖廣漢口山東東昌各有生業雖傳聞不

帝一口但未確訪的實不敢妄奏伏惟

睿鑒謹

奏

從來操守二字實難得其人奈何三人行必有我師汝見此尤當於廉之一字加勉況利者實係無益有害之物人皆知之而皆看不透亦太奇事汝等彼此將類斯等事毫不欺隱俾朕咸得知悉應教者教應戒者戒應罪者罪則孰敢為非也在楊文乾自以為不關國計民

生設法巧取而名實兼收殊不知人之耳目如何能欺
正所謂弄巧成拙若不改悔立見名實俱敗耳所以天
下事並無巧法惟有盡已之誠以聽

天而已餘無良策也勉之戒之

同日又

奏為奏

聞事竊照閩省倉儲准楊文乾許容會同將所帶委官
分頭盤查今限期將屆據結報清者未及十分之

六有以先委未經交盤而輾轉接盤者有以穀色
平常呈樣申請者有以不足碾米彼此牽混者有
以貯價未買諉之前任者已同楊文乾飭其兩穀
一米總須潔淨乾圓務期實在不許絲毫徇隱但
急玩成風又經臣將南安令吳彥遵會叅至

欽命會審事件查有本案虧缺者俟其盤查清結赴審
有非本案內事及有親丁代盤不必本員面同者
現各差員嚴提質審和衷辦理依限完結以仰副

皇上委任之恩謹

奏

務以一勞永逸為期不可絲毫將就草率完結也

同日又

奏為奏

聞事竊臣於到閩以後已將途中所見禾稻情形奏明

茲屆收成之後臣復檄查據各屬陸續申報到臣

福州府屬收成有八分九分米價每石一兩二分

至一兩四錢不等興化府屬收成有八分米價每石一兩二錢三分至一兩四錢不等泉州府屬收成有七分米價每石一兩五錢至一兩八錢不等漳州府屬收成有六七分不等米價每石一兩三四錢至一兩九錢不等延平府屬收成有八九分不等米價每石一兩一錢八分至一兩四錢不等建寧府屬收成有八九分不等米價每石八錢二分至一兩一錢不等邵武府屬收成有八九分不

等米價每石九錢至一兩一錢不等汀州府屬收成有七八分不等米價每石一兩二錢至一兩八錢不等福寧州屬收成有八分米價每石一兩至一兩四錢不等臺灣府屬收成有九分以外米價每石一兩一錢八分至一兩四錢不等以上收成分數雖多寡不齊米價較春夏已大平減民間樂有粒食無不仰頌

皇上覆育深仁

臣

謹具摺奏

聞謹

奏

但能以誠敬格

天公忠理事自然時和年豐民安物阜此理分毫不爽爾等封疆大吏所關甚鉅欽哉毋忽

同日又

奏為酌更水師營員補用之法以除刁悍積習事竊閩省所屬福興泉漳等府地處海濱所有沿海口

岸在在均須防禦如五寨三遊海壇金門廈門以至南澳各設重兵相為犄角又復勤加巡緝然後可保無虞查水師營員例用閩人緣出洋巡哨風信靡常必熟諳水性之員方能隨宜調度有裨海防但相沿日久上下盤踞其子弟親屬中不肖之徒往往抗糧健訟暴橫鄉曲地方有司率多因循姑息希圖省事小民無可告訴遂糾集族姓結為黨羽遇有事故或聚衆鬪毆或聯名告誥因而藐

視上官罔知法紀此閩省刁悍之風所由來也臣
莅任以後密訪嚴拏擇其惡跡昭著者懲一警百
以挽頽風第沿海一帶營汛自閩至粵千有餘里
凡屬營弁俱係閩人各有田畝產業回互占據聲
氣相通其間作姦犯科之事一時稽查難周必得
武職大員實心整頓盡力約束方能使之安分守
法臣請嗣後提鎮以下叅遊以上等官遇有員缺
不必定用閩人伏懇

皇上於漢軍及他省漢人中擇其年力精壯可以學習水師者間為補用庶整飭彈壓不至有徇情袒護之弊而所轄弁兵知所畏懼刁悍之風自可漸息矣臣愚見所及謹據實陳奏是否有當伏祈

皇上睿裁謹

奏

閩省武弁黨比之習朕所悉知似爾此議奏朕者亦頗多果於他省弁員中得有諳練之人自應間補但得人

甚難若庸碌不職之輩更不如本處人尚相安於無事也況通省人亦未有合一之理於中必有各立門戶者或有彼此猜忌而不相和者全在爾等大吏通權達變隨事設法以警戒之解散之時時留心訪察以防範之最要者身先之以公忠體國徐開導以義利大誼必費一番苦心用一番實力漸次教化方能移易其積俗若捨本而務末不過止更換數名不達海洋之武夫欲望振刷頽風朕恐不但無益而更有損也陸路從來酌量

更調而用水師須當照例在閩歷任大員屢經摺奏朕
思若果督撫得人寧不能感化此數十員武弁耶悉如
高其倬毛文銓惟名是務滿保黃國材惟利是圖之輩
便將通省武弁全易他省之人亦復何益萬一海洋有
警復招致本省之人令其戮力報國恐未必傾心用命
也況更調亦只可從副叅以上副叅者乃微弁所望上
進之地現在水師者既不能望陞他省偏裨又不能推
陞本省將官則無階可上矣恐其心志一灰無恥之事

何所不為未必新調一二他省之大員即能撫綏駕馭也故朕謂務末不如端本端本之道在爾等督撫公忠清慎以身為之表率而後可爾將此諭與楊文乾高其倬看密之密之楊文乾若已回粵則已

若皆似鄂爾泰田文鏡此等督臣斷無不能化導本省之人而求之於他省調員代為整理也朕實愧之不得其人奈何奈何

雍正五年十一月十七日福建巡撫臣常賚謹

奏為恭繳

硃批奏摺事竊臣蒙

皇上發到毛文銓奏摺六件欽奉

硃批毛文銓所奏一派欺詐固不可信然或有可採處

亦未可知發來汝酌量欽此臣思臣子事君貴誠以

隱瞞心昧已敬舍此即為不忠不忠則欺欺君即所以欺

不及

天矣隨將摺內事宜細加體訪除恭繳

地神明誠若此則汝之福盡矣慎之慎之
硃批雨水收成米價三摺無可置議外如催徵錢糧現

有成例或有抗欠責在有司即使如限全完亦督
催經徵職所應為今繕摺陳奏似近塞責至姦徒
不法立限巡查乃屬營官職守今時際昇平即有
盜竊何難捕治宜明目張膽整肅軍威使知所畏
而不敢犯所奏暗帶軍器改扮衣裝殊於巡防無
益今臣咨會督臣通行陸路武職立牌分界會哨
巡查遇有匪類即行拏解但不許隱諱捏飾藉端
騷擾違者叅處再臺灣戡戶即係內地來行向皆

沿海居住以往來糴糶多由海運易於起載攬裝
若遷置府城則買賣反多脚價與民無益似應聽
其照舊開張但增減米價實屬病民應嚴飭價值
隨時倘隨意高昂立拏重處庶業戶得免遷徙米
價不至昂貴事屬兩便臣謹據愚見議覆是否有
當伏候

皇上指示謹將原摺六件一併

奏繳謹

奏

所議亦不過紙上虛文耳

雍正五年十一月二十二日福建巡撫臣常賚謹
奏為奏

聞事臣奉

命撫閩以來凡見文武官弁無不諄諄飭諭令其嚴禁
刁風力加約束詎閩省積習兵丁驕悍不惟陵虐
良民兼且抗拒官法今訪有泉州府民人王貫買

民人黃武兄弟之田已經三載突有提標前營兵
丁黃宇冒認為伊祖佃業率衆搶割王貫會同甲
鄰扭獲稟送晉江縣該縣訊係不法未便責治兵
丁將餘丁黃佛枷責縣前突有兵丁數十人蜂擁
到縣將黃佛連枷搶去乃該縣只報提督並不通
詳臣訪聞之下不勝駭異立將縱兵抗法之提標
遊擊傳為宿及畏縮因循不行通詳之晉江縣知
縣蘇本潔特疏

題叅外理合先行奏

聞謹

奏

屢屢奏稱刁風爾等職任原係戢暴安良宣布風化若
言刁風難治豈欲求朕往福建代爾等整飭之耶

同日又

奏為感沐

聖恩恭陳謝悃事臣於十一月十九日接到部文內係

怡親王暨大學士張廷玉遵

旨寄信示

臣欽奉

上諭嚴切

臣捧讀之下不勝惶悚竊思臣荷蒙

皇上天恩委任封疆大吏因賦質愚昧屢滋過愆茲奉
天語飭知臣敢不敢佈微忱據實陳

奏竊

臣署廣東巡撫印務任內從化山中有擄去採

辦木料人一案龍門營有盜聚同謀刦去七子汎

器械一案電白縣有盜賊四十餘人行刦一案種

種不法臣於文到之日即嚴飭緝拏但此三案因疎防限期未屆俱未題叅亦未奏

聞此臣疎忽之罪至於賊衆千有餘人一日連劫二十七家臣即昏憤無聞如高州鎮等職所專司而亦安然膜置耶此言事者故欲張大其辭以重臣罪至將軍營兵窩盜一案係署廣州府胡恂寓所被竊後於故衣舖內認出原失衣服訊問故衣舖人供稱將軍標下兵丁賣與我當票贖出來的臣委

理事同知審理因未審解臣即赴閩至於失去

奏匣匙鑰一事臣因署理巡撫印務移住城外總督

舊行署內於三月二十夜被竊去木匣一箇內有

小匣裝盛

奏匣匙鑰兼有衣服數件彼時臣隨欲摺

奏因羞愧恐懼交集於心竊擬將來獲

陞見時面

奏乞

宥或免重罪此因臣疎忽昏憤竟涉於串通欺隱罪實

難辭伏祈

果能時常自新復有何說

皇上天恩恕臣

愚昧容臣

印新自此謹遵

聖教事無大小逐件奏

聞臣何敢有心欺隱顯負

聖恩自干罪戾也臣不勝惶恐戰慄之至謹

奏

汝竟忍於欺朕餘者更不必言朕觀汝光景又是一無

用之物矣

雍正六年正月初八日福建巡撫臣常賚謹

奏為奏

聞事竊惟制錢所以便民而黃銅為鑄錢必需之物我皇上洞鑒姦民燬錢為器之弊禁止擅用黃銅飭直隸各省城設局委官發價收買臣恪遵

諭旨一體嚴禁恐有仍行制造銅器之姦民又委員不時巡查已飭布政司發庫銀一千五百兩遴委福

州府通判專管收買銅器於省城設局飭令估看成色照依部價隨到隨買復慮外府若不一體收買猶有藏匿之銅器是以同督臣高其倬酌議飭司每府各發銀五百兩著各該府委員一體收買去後續接部文議令拖欠舊糧之花戶准其繳銅抵算錢糧奉

旨允行到臣遵即轉行各屬在案惟思銅器比戶皆有而拖欠舊糧之家無幾恐未能遍收民間之銅器

除遵照部文舊糧准其繳銅抵算外合將發銀收買緣由具摺

奏明謹

奏

第一嚴禁燬錢私鑄為要收銅猶為次之今已調汝撫滇此事亦與汝無涉矣滇省之銅不須禁者汝到滇一聽從鄂爾泰而行不必自立意見

同日又

奏為奏

聞事竊照洋船出海一案經督臣高其倬

題明取各商原籍族隣保結地方官加具印結造冊
申報給照開行等因奉

旨允行欽遵出示曉諭取結去後今各商船貨俱集而
原籍地方官印結竟無送到雖現在飛檄催取惟
查出洋風信止在正月以內過此則風勢不順難
以出洋但各商屆此風信之期尚無取到印結本

年出洋之期必至遲誤理合先行奏

聞謹

奏

覽誤亦係彼自誤與汝等何涉

雍正六年二月初十日福建巡撫臣常賚謹

奏為奏

聞官役侵蝕捏稱民欠事竊查閩省倉庫不清蒙

皇上命廣東撫臣楊文乾等與臣會同清理業將通省

虛實官虧民欠各項查明恭疏會

題在案茲據漳浦縣知縣于翰翊詳稱自康熙五十八年至雍正二年交盤冊開民欠共一千八百五十五兩零並無串根紅簿訊之經承係前任知縣汪紳文燒燬等語又據署閩縣州同李芬稟稱查出康熙六十年至雍正元年前任知縣于翰翊任內吏役侵收銀八十九兩零又自元年至五年前任知縣于沛任內吏役侵收銀七百三十六兩零

各到臣隨飛飭嚴審擬追將前任漳浦縣知縣汪
紳文郭以治馮紹立及前任閩縣知縣于翰翊于
沛等員業經列疏

題叅臣查閩省吏役狡詐百出而從前各官亦皆因
循玩忽不能覺察臣恐各縣尚有此弊現在飛飭
嚴查臣斷不敢少為回護自干罪戾除另疏糾叅
外合再詳細繕摺奏

聞謹

奏

似此已題案件何必又多一番煩讀此皆居心不實根本處差謬遂至顛倒重複故有此不應奏而奏之舉且必有應奏而隱匿不奏之事此自然之理也

雍正六年二月二十日福建巡撫今調雲南巡撫

臣常賚謹

奏為恭繳

硃批事竊臣家人齎捧

欽定四庫全書

硃批諭旨

卷四十

五

硃批奏摺回閩內有臣奏請調用水師營員一摺蒙

皇上詳細批示到臣臣跪讀之下頓開愚昧仰見

既自知識見淺陋身為封疆大吏似此大有干係之事

睿慮周詳無微不至實非臣下淺陋之識所能窺測除

若無真知灼見可任意妄言耶及至詞窮以頓開愚昧

廣東撫臣楊文乾已於歲內起程外遵

四字遂可搪塞耶可謂荒唐之極高其倬以為何如

旨與督臣高其倬密看一體欽遵合將奉到

硃批恭繳謹

奏

覽

同日又

奏為恭謝

天恩懇求

陞見事竊臣自幼侍從

皇上受數十年

教養之恩復蒙不次擢用四年之內委任封疆乃臣愚

昧昏愎到閩以來未能少起顏風有負

委用深恩咎實難追仰蒙

聖恩不即罷斥復調撫雲南跪讀

聖諭之下感激惶愧無地自容伏念臣才識短淺滇省
地係巖疆若得仰請

聖訓知所遵循俾竭蹶辦公或可少免舛誤且臣未獲
瞻仰

天顏已逾四載戀

主蟻忱刻不能忘仰懇

皇上格外垂慈容臣於朱綱到閩後兼程赴

闕面聆

聖訓庶犬馬下情得以稍遂矣除另疏恭

奏外謹再繕摺

奏請伏乞

皇上恩准施行謹

奏

朕教導汝已二十餘年不能遵奉更有何教導處汝於根本上不能見真守定徒務枝節便訓誨汝千言萬語

何益之有況滇撫之命不過令汝循分供職鄂爾泰非
高其倬庸懦詐偽之輩可比汝到滇相見自知見朕不
如學伊之居心行事汝若能效法得三二分從此感發
愧羨立志做此等人一生用之不盡至於滇省一切事
宜朕全賴鄂爾泰經理奏達更無可諭汝者俟朱綱到
閩速往赴任可也

雍正六年三月二十二日福建巡撫今調雲南巡

撫臣常賚謹

奏為奏

聞事竊照閩省山海交錯田畝無多即當豐歲猶藉二
麥油菜接濟今因晴雨得時民間菜麥可必十分
豐收現在米價每石銀一兩三四錢地方安靜人
民樂業為此奏

聞謹

奏

覽奏深慰朕懷

同日又

奏為奏陳各官賢否仰冀

睿鑒事竊臣奉

命撫閩已經半載有餘謹將聞見所及地方各官賢否

為

皇上陳之總督高其倬持躬以謹馭下以和誠如

聖明洞鑒

此不過迎合之論

今雖加意整飭兵民猶不知畏將軍蔡良紀

律嚴明兵民安靜都統阿爾賽強幹視事勤慎持

朕意尚欲調用廣東猶未酌定

是

躬提督藍廷珍水師熟諳調遣有方惟籍隸閩省

從前親友於洋船行店

此人只此利之一字打不開不免爭利自奉拏丁士傑

從前

歲陞見之後即大收歛矣

原好

據所

論是巧宦也

司喬學尹守清行篤奉職亦勤第賦質忠厚毫無

威嚴似於該職未協糧道

朕記得此人還好

李玉鏞年老性迂事多

竭蹶解任鹽驛道陳豫朋性耽安逸遇事因循誠

平常人也

如

如

聖諭不堪其任現任鹽驛道伊拉齊謹飭持躬黽勉從

伊能如此亦為不玷厥職

矣但不知日久何如

事祇於諸務未盡諳練興泉道

此人秉性少偏少張廷枚居心廉潔

年人

似可有為且不畏

斯係伊所能者強禦屬吏知儆

海疆重地實稱

得人福州府知府楊弘緒

誠好乃係上等好者年壯力強

辦事果敢堪

果然

膺首郡之任興化府知府沈起元

朕殊不深知視事明敏廉靜

好大有力量此人若肯行正路將來是一大人物自持漳州府知府潘體豐才長識敏疾惡如仇到

任及今地方為之一變此外各郡縣或到任未久

或屬調任除訪有劣蹟特疏糾叅外謹將各員賢

否據實奏

聞伏乞

睿鑒謹

奏

所論皆不甚差然亦只可言其已往何能保其將來也

同日又

奏為恭繳

硃批叩請

陛見事竊臣一介庸愚荷蒙

皇上隆恩內外大小臣工受

恩戴德未有如臣之至深且渥者臣自莅外任以來事
無大小遵奉

聖訓不敢徇私不敢疎忽雖識淺才庸動多未諳而忠
君報主之忱不敢少有或忘乃於去年春間署理
廣東巡撫印務搬移衙署時將

恩賜奏摺鎖匙被竊一時慮罪匿情未經啓

奏今蒙

莫謂朕止知此一事之欺隱似此只管欺隱去看朕徐
皇上鑒察欺飾之罪誠不可逭即蒙
徐悉能聽聞與否
賜以罷斥立加

國典臣又何辭乃荷

恩垂格外

嚴批示儆予臣自新

高天厚地之恩實有莫可名言者矣再臣蒙

皇上矜憐愚昧因博爾多等獲罪

恩賜教訓臣具摺奏繳

殊批誓矢一誠無欺無隱竊念

臣

自奉職及今從未敢

有知而不言言而不盡者如果不顧臉面瞞心昧

已上負

聖主之洪恩下類博爾多等之欺詐即使

國法或逃定為

天

人皆如此說即博爾多亦曾如是陳奏惟佛喜所奏

更為懇摯欲朕聽信此等空言莫希冀也惟見之行事

與朕看

陛見自應伏候

聖旨奚敢復行瀆奏但臣自離

闕廷已逾四載戀

主之心時形寤寐查赴滇程途由福建路出江西由江
西進京由京往滇道途不甚迂折遷延僅止月餘
於地方事務不至遲悞伏乞

皇上俯憐下忱

恩准

誠屬煩瀆前論甚明何又多此一奏
陛見庶依戀之私得以少伸邊方要畧得所遵循矣臣

不勝悚惕望

恩之至謹

奏

覽

雍正六年四月十二日福建巡撫今調雲南巡撫

臣常賚謹

奏為奏

聞事竊照閩省二麥油菜豐收以及米價情形已經摺


奏二十二十一日連得雨澤近省之南臺地處窪下
更與建灘接連水勢驟長民間新插秧苗間被水
淹臣即出城閱視併專差四處查看據云四野田
疇盡皆霑足低處亦無水溢禾苗遍插無遺即南
臺水淹之處一晝夜水即消退禾苗無損目下米
價每石一兩二三錢人民樂業地方安靜誠恐上
厪

聖懷所有水發水退情形合再奏

聞謹

奏

汝將此等事頻奏之意希朕信汝大小事無欺無隱大錯矣看來又有自作孽之光景發露奈何奈何



硃批諭旨卷四十